

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
Komisija za vanjsku trgovinu i carine
Povjerenstvo za vanjsku trgovinu i carine
Broj: 01/3-50-1-3-10/07
Sarajevo, 3. septembra 2007. godine



БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
Комисија за спољну трговину и царине

Z A P I S N I K

10. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 3. septembra 2007. godine

Sjednica je počela u 14 sati.

Sjednicom je predsjedavao Mehmed Suljkanović, prvi zamjenik predsjedavajuće Komisije.

Sjednici su prisustvovali članovi Komisije: Jerko Ivanković Lijanović, Šemsudin Mehmedović, Slavko Jovičić, Salko Sokolović, Jozo Križanović i Hadži Jovan Mitrović.

Odsustvo su opravdali Snježana Rajilić i Ekrem Ajanović.

Sjednici Komisije nije prisustvovao predstavnik Vanjskotrgovinske komore BiH.

Sjednici su također prisustvovali: sekretar Miinistarstva vanjske trgovine i ekonomskih odnosa BiH Hamdija Tinjak, pomoćnik ministra vanjske trgovine i ekonomskih odnosa BiH Hajrudin Podbičanin, rukovodilac Odsjeka za carinsku tarifu u Ministarstvu vanjske trgovine i ekonomskih odnosa BiH Čedomir Ljuboje, direktorica Instituta za intelektualno vlasništvo BiH Lidija Vignjević, asistent u Programu jačanja zakonodavne vlasti u OSCE-u Nataša Šakota i sekretar Komisije Emira Češljar.

Na sjednici Komisije predložen je i jednoglasno usvojen sljedeći

D N E V N I R E D

1. Usvajanje zapisnika 7., 8. i 9. sjednice Komisije,
2. Rasprava o Prijedlogu zakona o zaštiti planova rasporeda integriranih kola, u skladu s članom 110. Poslovnika Predstavničkog doma, predlagač: Vijeće ministara BiH,
3. Razmatranje Prijedloga zakona o izmjenama i dopunama Zakona o carinskoj tarifi BiH radi dostavljanja mišljenja Predstavničkom domu u skladu s članom 104. Poslovnika Predstavničkog doma, predlagač: poslanik Milorad Živković, mišljenje UOUIO BiH, dostavljeno članovima Komisije 4.7. 2007.;
4. Razmatranje Prijedloga zakona o izmjenama Zakona o carinskoj tarifi

- BiH radi dostavljanja mišljenja Predstavničkom domu u skladu s članom 104. Poslovnika Predstavničkog doma, predlagač: Komisija za vanjsku trgovinu i carine,
5. Razmatranje Prijedloga zakona o izmjenama i dopunama Zakona o carinskoj politici BiH radi dostavljanja mišljenja Predstavničkom domu u skladu s članom 104. Poslovnika Predstavničkog doma, predlagač: Komisija za vanjsku trgovinu i carine,
 6. Pregled ostvarene vanjskotrgovinske razmjene BiH od januara do maja 2006./2007., upućen od Vanjskotrgovinske komore BiH 29. juna 2007.,
 7. Tekuća pitanja:
 - a) odgovor Kolegija Predstavničkog doma o Sporazumu o prestanku protesta po Zaključku sa 8. sjednice Komisije,
 - b) upoznavanje s dopisima-obavještenjima: Udruženje proizvođača i prerađivača mesa u BiH; Udruženje poljoprivrednika u BiH i dr.

Ad .1.

Zapisnike 7., 8. i 9. sjednice Komisija za vanjsku trgovinu i carine usvojila je bez primjedbi.

Ad. 2.

Rasprava o Prijedlogu zakona o zaštiti planova rasporeda integriranih kola, u skladu s članom 110. Poslovnika Predstavničkog doma, predlagač: Vijeće ministara BiH

Komisija za vanjsku trgovinu i carine je, na 8. sjednici, održanoj 2. jula 2007., razmatrala Zakon i jednoglasno podržala principe Zakona. Uz saglasnost predlagača Zakona, prihvaćeno je da se ispravi greška u prijevodu na hrvatski jezik u tekstu Zakona, te se riječi: „integrirani sklop“ u različitim padežima zamjenjuju riječima: „integrirano kolo“.

Predstavnički dom je, na 13. sjednici, održanoj 31. jula 2007., usvojio Prijedlog zakona o zaštiti planova rasporeda integriranih kola u prvom čitanju.

Do početka rasprave o Prijedlogu zakona konstatirano je da nije bilo uložених amandmana.

Slavko Jovičić pročitao je mišljenje Vlade Republike Srpske o nepostojanju ustavnopravnog osnova za usvajanje Zakona na državnom nivou.

Nakon rasprave, Komisija je, s tri glasa „za“, dva „protiv“ i dva „suzdržana“ glasa, prihvatila Prijedlog zakona o zaštiti planova rasporeda integriranih kola, te će, u skladu s članom 110. Poslovnika, predložiti Predstavničkom domu njegovo usvajanje.

Na osnovu člana 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se prvi zamjenik predsjedavajuće Komisije Mehmed Suljkanović.

Ad.3.

Razmatranje Prijedloga zakona o izmjenama i dopunama Zakona o carinskoj tarifi BiH radi dostavljanja mišljenja Predstavničkom domu u skladu s članom 104. Poslovnika Predstavničkog doma, predlagač: poslanik Milorad Živković

Na sjednici Komisije Slavko Jovičić je (po ovlaštenju predlagača) predložio da Komisija ne razmatra Zakon, koji povlači iz procedure, uz obrazloženje da su njegove odredbe Prijedloga zakona ugrađene u Prijedlog zakona o izmjenama Zakona o carinskoj tarifi BiH, predlagača Vijeća ministara BiH, dostavljenog u parlamentarnu proceduru 22. augusta 2007. godine.

Na osnovu predloženog, Komisija je zaključila da izvijesti predsjedavajućeg Predstavničkog doma da se Prijedlog zakona o izmjenama i dopunama Zakona o carinskoj tarifi BiH, predlagača Milorada Živkovića, povuče iz daljnje procedure.

Ad.4.

Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu u skladu s članom 104. Poslovnika Predstavničkog doma, predlagača Komisije za vanjsku trgovinu i carine

Radna grupa Komisije je, na osnovu zaključka Komisije od aprila mjeseca, učestvovala u izradi Prijedloga zakona u saradnji s predstavnicima nadležnih institucija te je Predstavničkom domu, 20. jula 2007., predložila njegovo razmatranje po osnovnom zakonodavnom postupku.

U raspravi su učestvovali: Slavko Jovičić, Jozo Križanović, Šemsudin Mehmedović, Jerko Ivanković Lijanović i Mehmed Suljkanović.

Čedomir Ljuboje ukazao je da Prijedlog zakona proširuje Prijedlog zakona koji je 22.8.2007. uputilo Vijeće ministara BiH. U Poglavlju II. Komisija predlaže povećanje carinske stope na proizvode što pravilima EU nije dopušteno, niti se za otkup domaćih tarifnih proizvoda predlažu kvote koje se uvode kako bi se mogla vršiti kontrola uvezene robe koje nema na domaćem tržištu.

Šemsudin Mehmedović predložio je da Komisija treba da stoji iza principa Prijedloga zakona.

Jerko Ivanković Lijanović istakao je da nisu predložene tarifne kvote za uvoz mesa jer Vijeće ministara BiH nije izvršilo njihovo ponovno uvođenje.

Hajrudin Podbičanin odgovorio je da Vijeće ministara BiH nije produžavalo kvote zato što dosadašnje nisu iscrpljene, a one su dobre za operativno djelovanje Vijeća ministara BiH u situacijama nestašice. Povećanje carinskih stopa suprotno je i ugovorima o slobodnoj trgovini kao i pravilima EU.

Zaključak učesnika u raspravi je da Komisija s resornim ministarstvom treba da bude na partnerskom nivou te da na osnovu primjedbi ili kroz amandmansku fazu pokušali pronaći rješenje, te predložili korekcije, odnosno izmjene. Komisija je, sa šest glasova „za“ i jednim glasom „protiv“, podržala principe Prijedloga zakona o izmjenama Zakona o carinskoj tarifi BiH.

Nakon provedene rasprave o principima Prijedloga zakona, Komisija je, sa šest glasova „za“ i jednim glasom „protiv“, prihvatila principe predloženog Prijedloga zakona o izmjenama Zakona o carinskoj tarifi BiH i zaključila da, u skladu s članom 104. Poslovnika Predstavničkog doma, dostavi mišljenje predsjedavajućem Predstavničkog doma.

Komisija je također zaključila da predsjedavajućeg Predstavničkog doma izvijesti da je uočeno, naknadnim sravnjavanjem teksta, u **prikazu TARIFNI ANEKS - TARIFNE KVOTE na bosanskom i srpskom jeziku u rubrici „Ostali uslovi“** da nisu u potpunosti odštampane kvote za meso i jestive klanične proizvode, o čemu treba izvijestiti poslanike.

Ad. 5.

Razmatranje Prijedloga zakona o izmjenama i dopunama Zakona o carinskoj politici BiH radi dostavljanja mišljenja Predstavničkom domu u skladu s članom 104. Poslovnika Predstavničkog doma, predlađač Komisija za vanjsku trgovinu i carine

Radna grupa Komisije je, na osnovu zaključka Komisije od aprila mjeseca, učestvovala u izradi Prijedloga zakona, te je Predstavničkom domu, 20. jula 2007., predložila njegovo razmatranje po osnovnom zakonodavnom postupku.

Hajrudin Podbičanin rekao je da se izmjena i dopuna Zakona može rješavati u okviru Odluke o provedbenim propisima Zakona o carinskoj politici BiH („Službeni glasnik BiH“, br. 63a) članom 431. i izmjenom člana 189. navedene odluke jer je to brži način.

Mehmed Suljkanović predložio je da se navedene primjedbe uzmu u obzir, ali da ne treba zaustavljati proceduru o principima zakona.

Nakon provedene rasprave o principima Prijedloga zakona, Komisija je, sa šest glasova „za“ i jednim glasom „protiv“, prihvatila principe predloženog Prijedloga zakona o izmjenama i dopunama Zakona o carinskoj politici BiH i zaključila da, u skladu s članom 104. Poslovnika Predstavničkog doma, dostavi mišljenje predsjedavajućem Predstavničkog doma.

Ad.6.

Pregled ostvarene vanjskotrgovinske razmjene BiH od januara do maja 2006./2007., upućen od Vanjskotrgovinske komore BiH 29. juna 2007.

Hamdija Tinjak dao je osvrt Ministarstva vanjske trgovine i ekonomskih odnosa BiH na navedeni materijal Vanjskotrgovinske komore BiH i predložio Komisiji da, nakon poređenja sa stanjem koje je Ministarstvo utvrdilo, dostavi za sljedeću sjednicu izvještaj Komisiji.

Nakon rasprave, Komisija je zaključila da, poređenjem s Pregledom ostvarene vanjskotrgovinske razmjene BiH od januara do maja 2006./2007., VTKBiH, Ministarstvo vanjske trgovine i ekonomskih odnosa BiH sačini osvrt iskazan u procentima.

Ad.7.

Tekuća pitanja:

a) odgovor Kolegija Predstavničkog doma o Sporazumu o prestanku protesta po Zaključku sa 8. sjednice Komisije

Predsjedavajući sjednicom upoznao je prisutne o stavu Kolegija Predstavničkog doma o Sporazumu o prestanku protesta koji se odnosi na uklanjanje šatorskog naselja ispred institucija BiH.

U diskusiji su učestvovali: Jozo Križanović, Jerko Ivanković Lijanović i Slavko Jovičić.

Zaključeno je da Komisija nema ingerencije za preduzimanje aktivnosti za uklanjanje šatorskog naselja te da se Udruženje poljoprivrednika u BiH izvesti o stavu Kolegija Predstavničkog doma.

b) upoznavanje s dopisima-obavještenjima: Udruženje proizvođača i prerađivača mesa u BiH od 15.5. 2007. za koje resorno ministarstvo nije dostavilo odgovor Udruženju o preduzetim mjerama.

Zaključeno je da se Dopis Udruženja proizvođača i prerađivača mesa u BiH, od 15.5. 2007., dostavi Ministarstvu vanjske trgovine i ekonomskih odnosa BiH, s prijedlogom da postupi po zahtjevu Udruženja proizvođača i prerađivača mesa u BiH te da o realizaciji zaključka obavijesti Komisiju.

c) Jerko Ivanković Lijanović obavijestio je prisutne da je Radna grupa za poljoprivredu na 2. sastanku, održanom 3. septembra 2007., ponovo utvrdila novi tekst Zakona o primjeni Sporazuma o izmjenama i pristupanju Centralnoevropskom sporazumu o slobodnoj trgovini (CEFTA) kojim je izmijenjena odredba člana 5. u odnosu na prethodni tekst navedenog zakona, s prijedlogom da ga Predstavnički dom razmatra u skladu s članom 127. Poslovnika Predstavničkog doma.

Nakon rasprave, Komisija je, sa šest glasova „za“ i jednim „suzdržanim“ glasom, zaključila da predloži ponovo razmatranje Zakona o primjeni Sporazuma o izmjenama i pristupanju Centralnoevropskom sporazumu o slobodnoj trgovini (CEFTA) u skladu s članom 127. Poslovnika Predstavničkog doma.

Također, Komisija je zaključila da, sa šest glasova „za“ i jednim „suzdržanim“ glasom, zatraži od Vijeća ministara BiH da stupi u kontakt s entitetskim vladama i zatraži otkup svih domaćih žitarica, nakon čega će biti donesena odluka o uvozu pšenice, kukuruza i ostalih komponenti u skladu s potrebama.

Sjednica je završena u 16 sati.

Sekretar Komisije
Emira Češljarić

Prvi zamjenik predsjedavajuće Komisije
Mehmed Suljkanović